



- v. Se o proxecto acada unha puntuación entre 80 e 100 puntos a porcentaxe de cofinanciamento resultante será do 50% dos gastos elixibles do proxecto.

Os proxectos que se amparen no Regulamento (UE) nº 1407/2013 da Comisión, do 18 de decembro, relativo á aplicación dos artigos 107 e 108 del Tratado a las axudas de minimis (D.O. L352 do 24.12.2013), aplicaranse as porcentaxes anteriores e limitaranse a un máximo de 200.000 € por promotor durante un período de tres exercicios fiscais.

Os proxectos produtivos vinculados á pesca artesanal a porcentaxe de axuda derivado das bandas de puntuación incrementarase nun 30%.

No caso de de proxectos produtivos presentados por confrarías de pescadores e asociacións profesionais do sector pesqueiro ou asociacións integradas polas entidades mencionadas, que que respondan aos criterios de interese colectivo, beneficiario colectivo e ofrecer acceso público aos resultados, incrementarase a porcentaxe de axuda derivado das bandas de puntuación nun 30%.

As axudas poderán incluír medidas previstas nos capítulos I, II e IV do título V do Regulamento (UE) nº 508/214, agás os artigos 66 e 67, só no caso de que se xustifique claramente a súa xestión a escala local. Cando se conceda axuda para operacións correspondentes a ditas medidas, respetaranse as escalas de contribución e o réxime de axudas establecido para as medidas en cuestión.

En todo caso, existe un límite máximo de axuda por proxecto, que se fixa en 500.000 euros como límite absoluto.

#### Criterios para a avaliación e selección de proxectos:

Os criterios definidos no presente documento permitirán á Xunta Directiva avaliar e seleccionar os proxectos presentados dun xeito obxectivo, respectando así a libre concorrencia obrigada ao abeiro da Lei 9/2007 de Subvencións de Galicia.

Estes criterios son diferentes para os distintos proxectos segundo a súa natureza sexa non produtiva ou produtiva.

A continuación aparecen os criterios e subcriterios desglosados e explicados para cada tipo de proxecto.

#### Criterios de valoración de proxectos non produtivos

### 1. VIABILIDADE DO PROXECTO



A viabilidade do proxecto virá xustificada adecuadamente no modelo de Memoria e Orzamento para a presentación de proxectos, documento que deben presentar todos os promotores de proxectos non produtivos xunto coa solicitude de axuda.

A puntuación mínima que un proxecto ten que acadar neste criterio é de 15 puntos, desglosándose estes en puntuacións mínimas dos subcriterios “viabilidade técnica” (10 puntos mínimo) e “viabilidade financeira” (5 puntos mínimo).

A puntuación máxima que un proxecto pode acadar por este criterio é de 30 puntos.

### 1. VIABILIDADE TÉCNICA.

Valorase a viabilidade técnica do proxecto, proxecto técnico presentado, de ser o caso, prazos de execución, licenzas e permisos necesarios, dispoñibilidade dos terreos, etc.

Valorarase, unha vez superada a puntuación mínima para este criterio, a obtención dos permisos e autorizacións necesarias con anterioridade á aprobación do proxecto ou exención de condicionantes para a realización do proxecto, cun máximo de 5 puntos.

Debido a importancia absoluta deste criterio na valoración do conxunto do proxecto, este actuará como valor filtro, é dicir, que a non obtención por un proxecto da puntuación mínima establecida na matriz, implicará automaticamente o rexeitamento da solicitude, aínda que polo resto dos criterios supere a puntuación mínima necesaria de 40 puntos.

A puntuación mínima de este subcriterio será de 10 puntos e a puntuación máxima de 15.

### 2. VIABILIDADE FINANCEIRA DO PROXECTO

Valorarase o plan de financiamento ata a recepción da axuda, dispoñibilidade dos fondos, informes de solvencia e compromiso de cofinanciación.

Este subcriterio, no mesmo sentido que o anterior, é filtro, polo que daremos por reproducido o sinalado para o mesmo.

A puntuación mínima e máxima de este subcriterio será de 5 puntos.

### 3. PLAN DE COMUNICACIÓN E DIFUSIÓN

Valorarase as accións de difusión e comunicación do proxecto, tales como a realización de xornadas informativas, a participación da cidadanía na configuración do proxecto, divulgación nas redes, ...



A puntuación máxima de este subcriterio será de 3 puntos

#### 4. PLAN DE RECURSOS HUMANOS/ CREACIÓN DE EMPREGO

Valorarase o número de empregos creados:

5 puntos por cada unidade de traballo-ano (UTA) creada.

3 puntos por cada unidade de traballo-ano (UTA) de persoas procedentes do sector do mar ou familiar directo.

A puntuación máxima de este subcriterio será de 10 puntos

## 2. IMPACTO SOBRE O TERRITORIO

O impacto sobre o territorio é un criterio complexo polo que procedese de cara a súa valoración a desagregalo nos subcriterios de impacto económico, social, medioambiental e territorial.

A puntuación máxima que un proxecto non produtivo pode acadar por este criterio é de 8 puntos.

### 1. ECONÓMICO

Valorarase a implicación doutras entidades e en especial da iniciativa privada. Tamén se valorará a repercusión do proxecto na economía das zonas de pesca e o posible efecto multiplicador do proxecto.

A puntuación máxima de este subcriterio será de 2 puntos

### 2. SOCIAL

Valorarase a poboación afectada, o incremento da calidade de vida das poboacións da zona pesqueira e a vertebración social prevista no proxecto.

A puntuación máxima de este subcriterio será de 2 puntos

### 3. MEDIOAMBIENTAL

Valorarase a incidencia positiva nos recursos naturais e medio ambientais, así como tamén a incidencia do proxecto nos espazos naturais protexidos clasificados en parques, reservas naturais, áreas mariñas protexidas, monumentos naturais, paisaxes protexidas e tamén con respecto ás zonas periféricas de protección e as áreas de influencia socioeconómica segundo a Lei 42/2007 do Patrimonio Natural. Todo o anterior sen prexuízo tamén da incidencia dos espazos naturais protexidos segundo a lexislación autonómica, recollidos na Lei 9/2001 de Conservación da



Natureza, e que se clasifican en reserva natural, Parque nacional, Parque natural, Monumento natural, Humidal protexido, Paisaxe protexida, Zona de especial protección dos valores naturais, Espazo natural de interese local e Espazo privado de interese natural.

Concretamente valoraranse positivamente as iniciativas locais de cara a planificación e proxección de espazos naturais de interese local e de espazos privados de interese natural.

Valorarase así mesmo a incidencia nos espazos protexidos da Rede Natura 2000, compostos polos Lugares de Importancia Comunitaria, Zonas Especias de Conservación e polas Zonas de Especial Protección para as Aves.

A puntuación máxima de este subcriterio será de 2 puntos

#### 4. TERRITORIAL

Valorarase a incidencia supramunicipal do proxecto. Obterán maior puntuación aqueles proxectos que abarquen máis dun municipio dos incluídos no ámbito de actuación territorial do GALP.

A puntuación máxima de este subcriterio será de 2 puntos

### 3. APROVEITAMENTO DOS RECURSOS ENDÓXENOS

Valorarase o aproveitamento de infraestruturas ociosas ou infrautilizadas (sobre todo no borde litoral), a incidencia do proxecto no patrimonio material e inmaterial, histórico e cultural e a súa valorización, os recursos nos produtos locais e demais recursos identificativos da zona de pesca do GALP Costa da Morte.

En definitiva pretende unha actuación na zona na que sexan protagonistas os recursos da propia zona pesqueira do GALP Costa Morte.

A puntuación máxima deste criterio é de 10 puntos.

### 4. CARÁCTER INNOVADOR/DINAMIZANTE

Valorarase a singularidade e novidade do proxecto ou o novo enfoque de proxectos xa existentes.

A puntuación máxima deste criterio é de 3 puntos.



Tamén se valorará a utilización de novas tecnoloxías no territorio e das tecnoloxías da información e comunicación.

A puntuación máxima deste criterio é de 4 puntos.

## 5. SOSTIBILIDADE DO PROXECTO

Valorarase a garantía de pervivencia do proxecto mais aló do período de cumprimento da normativa de axudas.

Tamén valorarase a sostenibilidade no sentido dunha maior puntuación daquelas actuacións que non comprometan os recursos necesarios para as futuras xeracións.

A puntuación máxima deste criterio é de 4 puntos.

## 6. CAPACIDADE DE TRANSFERENCIA A OUTROS TERRITORIOS

Valorarase a posible exportación do proxecto a outros territorios e a transferibilidade de coñecementos que poida desencadear o mesmo.

A puntuación máxima deste criterio é de 2 puntos.

## 7. PROXECTOS ACCESIBLES

Valorarase aqueles proxectos que vaian máis aló das normas de obrigado cumprimento na materia (Lei 10/2014, de 3 de decembro, de accesibilidade).

Valorarase os proxectos que dentro das súas actuacións, ben sexan arquitectónicas, urbanísticas, de TIC, electrónicas ou de comunicación, sexan comprensibles, utilizables e practicables por todas as persoas en condicións de comodidade, de forma autónoma e segura.

A puntuación máxima deste criterio é de 10 puntos.

## 8. IGUALDADE DE OPORTUNIDADES E COLECTIVOS DESFAVORECIDOS

O criterio de igualdade e colectivos desfavorecidos está desglosado en dous subcriterios. Por un banda o impacto do proxecto sobre o colectivo feminino, e por outra o impacto sobre os colectivos desfavorecidos.

A puntuación máxima deste criterio é de 9 puntos.



## 1. IMPACTO SOBRE O COLECTIVO FEMININO

Valorarase o impacto positivo que o proxecto teña sobre as mulleres, tanto dende a perspectiva do promotor/a, como desde a perspectiva do número de mulleres empregadas no proxecto, así como o número de mulleres que ocupen postos de responsabilidade e dirección no proxecto.

A puntuación máxima deste criterio é de 5 puntos.

## 2. IMPACTO SOBRE OS COLECTIVOS DESFAVORECIDOS

Valorarase a inclusión no proxecto de colectivos que teñan menos oportunidades na sociedade actual, como son as persoas con algunha discapacidade, as persoas en risco de exclusión social,...

A puntuación máxima deste criterio é de 5 puntos.

## 9. ADECUACIÓN COA ESTRATEXIA ESTABLECIDA POLO GALP

Este criterio ten unha importancia decisiva posto que valorará a coherencia do proxecto coas liñas deseñadas polo Grupo no presente documento da Estratexia. Canto mais acorde sexa coas liñas estratéxicas maior puntuación obterá o proxecto.

A puntuación máxima deste criterio é de 20 puntos.

### A matriz multicriterio para proxectos non produtivos:

A continuación amosase a matriz multicriterio elaborada a partir dos criterios e subcriterios antes definidos e explicados.

Na presente matriz podemos observar os criterios e subcriterios definidos no apartado anterior, así como unha columna indicando o valor mínimo (filtro) de determinados criterios e subcriterios que pola súa importancia teñen este carácter. Cando o valor é 0 puntos quérese salientar que dito criterio non é filtro e polo tanto poderá obterse á axuda aínda que se acaden 0 puntos, tendo en conta que o valor mínimo total da suma das puntuacións de todos os criterios haberá de ser de 40 puntos.

Na matriz tamén podemos ver unha columna referida ao valor máximo de cada criterio. Entendese pois que un proxecto non poderá acadar máis puntuación por un criterio que a establecida como máxima na respectiva columna. Con isto pretendese que os proxectos teñan que incidir en máis de un criterio para poder acadar unha boa puntuación.

Por último, na parte dereita da matriz, aparecen as bandas de puntuación segundo a tipoloxía de proxecto, cuxa misión é asinar, segundo a puntuación outorgada ao proxecto, unha porcentaxe



determinada de cofinanciación ou subvención, que oscila entre o 75% é o máximo do 100% para a tipoloxía de proxecto no que a operación responda aos criterios de interese colectivo, beneficiario colectivo e ofrecer acceso público aos seus resultados e entre o 45% e 50% para proxectos que non respondan aos criterios anteriores.



Unión Europea  
Fondo Europeo  
Marítimo e da Pesca  
(FEMP)



XUNTA DE GALICIA  
CONSELLERÍA DO MAR

MATRIZ MULTICRITERIO: PROXECTOS NON PRODUTIVOS

ESTRATEGIA DESENVOLVEMENTO LOCAL PARTICIPATIVO. GALP "COSTA DA MORTE"

Nº	CRITERIOS	VALOR MÍNIMO	VALOR MÁXIMO	VALOR OTORGADO	BANDAS DE PUNTUACIÓN	% DE COFINANCIACIÓN	
<b>1</b>	<b>VIABILIDADE DO PROXECTO</b>	15	30				
1.1.	VIABILIDADE TÉCNICA	10	15			Proxectos que a operación responda aos seguintes criterios: interese colectivo, beneficiario colectivo e ofrecer acceso público aos seus resultados.	Cofinanciación Xeral
1.2.	VIABILIDADE FINANCEIRA	5	5				
1.3.	PLAN DE COMUNICACIÓN E DIFUSIÓN		3				
1.4.	CREACIÓN DE EMPREGO		10				
<b>2</b>	<b>IMPACTO SOBRE O TERRITORIO</b>	0	8		<b>BANDAS DE PUNTUACIÓN</b>	<b>% DE COFINANCIACIÓN</b>	<b>% DE COFINANCIACIÓN</b>
2.1.	ECONOMICO		2		1. De 40 a 49,99 puntos	75%	46%
2.2.	SOCIAL		2		2. De 50 a 59,99 puntos	80%	47%
2.3.	MEDIOAMBIENTAL		2		3. De 60 a 69,99 puntos	85%	48%
2.4.	TERRITORIAL		2		4. De 70 a 79,99 puntos	90%	49%
					5. De 80 a 100 puntos	100%	50%
<b>3</b>	<b>APROVEITAMENTO DOS RECURSOS ENDÓXENOS</b>	0	10				
<b>4</b>	<b>CARÁCTER INNOVADOR/DINAMIZANTE</b>	0	7		No caso de proxectos para investimentos non produtivos para medidas incluídas nos capítulos I, II e IV do Título V do Regulamento (UE) nº 508/2014 respetaranse as escalas de contribución e o réxime de axudas establecidas no citado Regulamento		
4.1.	SINGULARIDADE DO PROXECTO		3				
4.2.	USO DE NOVAS TECNOLOXÍAS OU TIC		4				
<b>5</b>	<b>SOSTIBILIDADE DO PROXECTO</b>	0	4				
<b>6</b>	<b>CAPACIDADE DE TRANSFERENCIA A OUTROS TERRITORIOS</b>	0	2				
<b>7</b>	<b>PROXECTOS ACCESIBLES</b>		10				
<b>8</b>	<b>IGUALDADE DE OPORTUNIDADES E COLECTIVOS DESFAVORECIDOS</b>	0	9				
7.1.	IMPACTO SOBRE O COLECTIVO FEMININO		5				
7.2.	IMPACTO SOBRE OS COLECTIVOS DESFAVORECIDOS		5				
<b>9</b>	<b>ADECUACIÓN COA ESTRATEGIA ESTABLECIDA POLO GALP</b>	0	20				
	<b>TOTAL</b>	<b>40</b>	<b>100</b>				





## Critérios de valoración de proxectos produtivos

### 1. VIABILIDADE

A viabilidade do proxecto virá xustificada adecuadamente na Memoria e Orzamento para proxectos produtivos, documento que deben presentar todos os promotores de proxectos xunto coa solicitude de axuda.

A puntuación mínima que un proxecto ten que acadar neste criterio é de **12 puntos**, desagrada en puntuacións mínimas dos subcriterios “viabilidade técnica” (7 puntos mínimo) e “viabilidade económica-financeira” (5 puntos mínimo). Esta puntuación mínima actúa pois como filtro debido a importancia deste criterio. Polo tanto, aqueles proxectos que non acaden a puntuación mínima na viabilidade (tanto técnica como económica –financeira) serán rexeitados aínda que acaden a puntuación mínima de 40 puntos para que o proxecto sexa subvencionable.

A puntuación máxima que un proxecto pode acadar por este criterio é de **30 puntos**.

Na Memoria e Orzamento recollerase os aspectos que sexan imprescindibles para valorar a viabilidade técnica, económica e financeira que será acompañada no seu caso, dos informes, autorizacións, certificados, proxecto técnico, etc., necesarios para a valoración do proxecto

#### 1. VIABILIDADE TÉCNICA

Valoraranse diversos aspectos como:

1. O equipo técnico adscrito ao proxecto.
2. A experiencia do promotor no desenvolvemento de actividades similares.
3. Proxecto técnico, de ser o caso.
4. Permisos e licenzas necesarios.
5. Informes de viabilidade.
6. O uso de patentes e a aplicación de procesos de I+D+I no proxecto.
7. Acreditación da dispoñibilidade dos inmobles, de ser o caso.

Valorarase, unha vez superada a puntuación mínima deste criterio, cun máximo de 3 puntos a obtención dos permisos e autorizacións necesarios con anterioridade á aprobación do proxecto ou exención de condicionantes para a realización do mesmo.

Dada a gran importancia de este criterio compre ter unha puntuación mínima de **7 puntos** para poder ser beneficiario das axudas, sen prexuízo da obriga así mesmo de acadar un total mínimo de 40 puntos.

**A puntuación máxima deste criterio é de 10 puntos.**



## 2. VIABILIDADE ECONÓMICA - FINANCEIRA

Valorarase a viabilidade económica do proxecto:

Valorarase a coherencia dos datos indicados na memoria e orzamento en relación ao modelo de actividade que se presenta, recursos tanto materiais como humanos comprometidos, en relación aos ingresos previstos e análise dos ratios de viabilidade como o valor actual neto dos beneficios, taxa de rendibilidade interna e horizonte temporal de recuperación do investimento, entre outros.

Valorarase a viabilidade financeira do proxecto:

Valorarase o plan de financiamento ata a recepción da axuda, dispoñibilidade dos fondos ou financiamento en firme, informes de solvencia, garantías financeiras que avalen o proxecto, etc.

Dada a gran importancia de este criterio compre ter unha puntuación mínima de **5 puntos** para poder ser beneficiario das axudas, sen prexuízo da obriga así mesmo de acadar un total dun mínimo de 40 puntos.

**A puntuación máxima deste criterio é de 10 puntos.**

## 3. PLAN DE XESTIÓN

O presente subcriterio pretende valorar a aplicación sistemas de calidade, innovación e busca da excelencia que melloren a solvencia empresarial dende o inicio dos proxectos.

**Valorarase con 6 puntos** a redacción dun plan de xestión da calidade, innovación, busca da excelencia, a súa implantación e asistencia de expertos recoñecidos, certificados de calidade realizados durante a execución do proxecto.

## 4. VIABILIDADE COMERCIAL

Valoraranse aspectos tales como ter un plan comercial e de marketing e a realización dun estudo de mercado.

**A puntuación máxima deste criterio é de 3 puntos.**

## 5. CREACIÓN NOVA EMPRESA



Valorarase de xeito distinto a creación dunha nova empresa (3 puntos) que a modernización ou ampliación dunha xa existente (2 puntos).

Ademais valorarase a creación ou ampliación de empresas por emprendedores menores de 35 anos (3 puntos).

**A puntuación máxima deste criterio é de 6 puntos.**

## **2. CREACIÓN DE EMPREGO:**

O criterio de creación de emprego valora a creación de postos de traballo, tanto se a creación prodúcese a través de contratacións estables como temporais, aínda que recibirán un maior valoración as contratacións estables, posto que a calidade do emprego é un dato importante.

Ademais, perséguese a ocupación de traballadores do sector pesqueiro, marisqueiro e acuícola noutros sectores e a diversificación económica das familias mariñeiras, logo a contratación de persoas procedentes do sector do mar ou familiar directo (ascendentes, descendentes ou cónxuxe), aumentará a puntuación obtida pola valoración deste criterio.

Por último a incorporación dos mozos ao mercado laboral é unha constante na que temos que facer un esforzo, polo que tamén valorarase que o emprego creado vaia dirixido a este colectivo, persoas menores de 30 anos.

**A puntuación máxima que un proxecto pode acadar por este criterio é de 20 puntos.**

Este criterio esta desagregado nos seguintes subcriterios:

### **1. CREACION DE EMPREGO**

Valorarase con 4 puntos por cada unidade de traballo-ano (UTA) que se xere

### **2. CREACION DE POSTOS DE TRABALLO ESTABLE**

Valorarase con 1,5 puntos por cada UTA contrato por conta allea indefinido.

### **3. TRABALLADORES DO MAR**

Valorarase con 2,5 puntos por cada UTA de traballadores procedentes do sector do mar ou familiar directo.

### **4. MOCIDADE**



Valorarase con 2 puntos por cada UTA de mozos menores de 30 anos.

### **3. INCLUSIÓN DO PROMOTOR EN COLECTIVOS DESFAVORECIDOS OU EMPREGO EN COLECTIVOS DESFAVORECIDOS:**

O presente criterio pretende valorar dúas cousas; por unha banda que o propio promotor do proxecto pertenza a un colectivo desfavorecido, e por outra banda que o proxecto asuma o emprego de persoal pertencente a colectivos desfavorecidos.

Valorarase a pertenza do promotor a un colectivo desfavorecido con 1,5 puntos.

Valorarase con 2 puntos por cada unidade de traballo-ano de persoas pertencentes a colectivos desfavorecidos.

Os colectivos desfavorecidos serán as persoas con algún tipo de diversidade funcional (xa sexa física ou psíquica) e persoas en risco de exclusión social.

A puntuación máxima que un proxecto pode acadar por este criterio é de **4 puntos**.

### **4. UTILIZACIÓN DE FACTORES PRODUTIVOS DA ZONA:**

A utilización de factores produtivos da zona é un criterio que pretende fomentar o desenvolvemento local dende a propia zona de pesca “Costa da Morte”, é dicir a potenciación dos recursos endóxenos da zona.

A puntuación máxima que un proxecto pode acadar por este criterio é de **6 puntos**.

Valoraranse diversos aspectos como:

- a) A utilización de materias primas procedentes da zona: máximo 2 puntos.
- b) O emprego de man de obra procedente da zona: máximo 2 puntos
- c) A contratación con empresas proveedoras locais ou zonais: máximo 2 puntos

### **5. IMPACTO SOBRE O TERRITORIO:**

Este criterio valora o impacto determinado que o proxecto terá previsiblemente no territorio de actuación ou desenvolvemento do mesmo, que sempre deberá ser o acotado polo ámbito territorial da zona pesqueira GALP Costa da Morte.

A puntuación máxima que un proxecto pode acadar por este criterio é de **5 puntos**.



Este criterio de impacto desagregámolo nos subcriterios: impacto sobre o territorio económico, social, nos concellos, medioambiental e cultural:

### 1. ECONÓMICO

Valorarase a potenciación e fomento de sectores relacionados co mar (sempre que non impliquen aumento do esforzo pesqueiro) e incidir en sectores estratéxicos ou de maior dinamismo da comarca, especialmente no sector turístico e na comercialización, en definitiva na diversificación do sector pesqueiro.

Máximo 1 punto.

### 2. SOCIAL

Valorarase a mellora da calidade de vida da poboación da zona, a prestación de novos servizos ou a mellora dos existentes, a intensificación de equipamentos e o fomento da implicación da sociedade local no proxecto.

Máximo 1 punto.

### 3. CONCELLOS

Valorarase que o impacto se produza nun ou mais concellos da zona de pesca. Cantos máis concellos abarque o proxecto maior puntuación.

Máximo 1 punto.

### 4. MEDIOAMBIENTAL

Valorarase todo tipo de accións ou proxectos dirixidos a posta en valor dos recursos medio ambientais como:

- i. O uso de tecnoloxías respectuosas co medio ambiente (especialmente o mariño)
- ii. Valorarase a incidencia positiva nos recursos naturais e medio ambientais, así como tamén a incidencia do proxecto nos espazos naturais protexidos clasificados en parques, reservas naturais, áreas mariñas protexidas, monumentos naturais, paisaxes protexidas e tamén con respecto ás zonas periféricas de protección e as áreas de influencia socioeconómica segundo a Lei 42/2007 do Patrimonio Natural. Todo o anterior sen prexuízo tamén da incidencia nos espazos



naturais protexidos segundo a lexislación autonómica, recollidos na Lei 9/2001 de Conservación da Natureza, e que se clasifican en reserva natural, Parque nacional, Parque natural, Monumento natural, Humidal protexido, Paisaxe protexida, Zona de especial protección dos valores naturais, Espazo natural de interese local e Espazo privado de interese natural.

Concretamente valoraranse positivamente as iniciativas locais de cara a planificación e proxección de espazos naturais de interese local e de espazos privados de interese natural.

Valorarase así mesmo a incidencia nos espazos protexidos da Rede Natura 2000, compostos polos Lugares de Importancia Comunitaria, Zonas Especias de Conservación e polas Zonas de Especial Protección para as Aves.

- iii. A mellora da xestión de residuos.
- iv. A implantación de sistemas de produción respectuosos co medio ambiente.
- v. As certificacións de calidade medioambiental.
- vi. A sustentabilidade ambiental do proxecto.

Máximo 1 punto.

## 5. CULTURAL

Valorarase o mantemento e a recuperación de elementos tradicionais, etnográficos, arquitectónicos, patrimonio histórico, cultura mariñeira,...

Máximo 1 punto.

## 6. CARÁCTER INNOVADOR/DINAMIZANTE:

O criterio do carácter innovador ou dinamizante do proxecto pretende valorar aqueles proxectos que incidan ou afecten positivamente a xeneralización e uso intensivo das novas tecnoloxías e a profundización na sociedade da información.

Por outra banda non soamente vaise valorar o uso de novas tecnoloxías, se non tamén a singularidade do proxecto e a contribución ou colaboración con entidades de investigación, desenvolvemento e innovación (I+D+I), especialmente do sector do mar.



Tamén se valorará o compromiso de participación do proxecto nas iniciativas promovidas polo GALP en materias relacionadas coa actividade desenvolvida no proxecto.

A puntuación máxima que un proxecto pode acadar por este criterio é de **9 puntos**.

Este criterio desglósase nos seguintes subcriterios:

#### 1. UTILIZACION NOVAS TECNOLOXÍAS (INCLUIDA TIC'S)

Valorarase a utilización das novas tecnoloxías, especialmente daquelas relacionadas coa sociedade da información e comunicación.

Máximo 3 puntos.

#### 2. SINGULARIDADE DO PROXECTO:

Valorarase que non exista ningún proxecto de semellantes características no territorio de actuación, ou ben que existindo se adopte un enfoque totalmente innovador.

Máximo 4 puntos.

#### 3. COLABORACIÓN CON ENTIDADES DE I+D+I OU APROVEITAMENTO DE PATENTES:

Valorarase a colaboración no proxecto de entidades de I+D+I como universidades, empresas de investigación, ...

Máximo 2 puntos.

### **7. IGUALDADE DE OPORTUNIDADES:**

A igualdade de oportunidades é un criterio de gran importancia, polo que a súa puntuación máxima é de **6 puntos**.

Ademais hai que ter en conta que é un aspecto transversal polo que tódolos proxectos terán que ter unha certa incidencia sobre o mesmo, e deberán incorporar medidas específicas de igualdade de xénero.

Este criterio desglósase nos subcriterios seguintes:

#### 1. PROMOCIÓN DO PROXECTO POR MULLERES OU PORCENTAXE DE REPRESENTACIÓN DE MULLERES NO CONSELLO DE ADMINISTRACIÓN



Valorarase tanto a participación de mulleres como promotoras do proxecto, como a participación de mulleres nos órganos de dirección das entidades promotoras.

Máximo 2 puntos.

## 2. EMPREGO FEMININO XERADO

Valorarase a creación de emprego feminino vinculado á execución do proxecto.

1,5 Puntos por cada Unidade de Traballo-Ano de mulleres.

## 3. EXISTENCIA OU COMPROMISO DE EXECUCIÓN DUN PLAN DE IGUALDADE DE XÉNERO.

Valorarase a existencia dun Plan de Igualdade de xénero nas empresas que xa estean creadas ou o compromiso expresado na Memoria e Orzamento, para as empresas que se vaian a crear, de implantar dito Plan.

Máximo 2 puntos.

## 4. PORCENTAXE DE PARTICIPACIÓN DE COLECTIVOS DESFAVORECIDOS

Valorarase a porcentaxe de persoas implicadas no proxecto pertencentes a colectivos desfavorecidos ou en risco de exclusión social.

Máximo 2 puntos

## **8. ADECUACION COA ESTRATEXIA DO GALP COSTA DA MORTE**

A adecuación coa Estratexia é un criterio de trascendental importancia, polo que a puntuación máxima do mesmo é de **20 puntos**.

Valorarase a coherencia do proxecto cos obxectivos estratéxicos do GALP Costa da Morte

Este criterio desglósase nos seguintes subcriterios:

### 1. COMERCIALIZACIÓN OU TRANSFORMACIÓN DE PRODUTOS PESQUEIROS

A comercialización e a transformación dos produtos pesqueiros son actuacións prioritarias dentro da Estratexia do GALP Costa da Morte, por canto supoñen un incremento do valor engadido que pode percibir o sector do mar. Valorarase todas aquelas iniciativas que favorezan a comercialización ou transformación dos produtos pesqueiros e as actuacións na cadea de valor dos produtos pesqueiros.

**A puntuación máxima deste subcriterio é de 8 puntos.**

### 2. DIVERSIFICACIÓN DO SECTOR DO MAR





Valorarase todas aquelas iniciativas que, directa ou indirectamente, favorezan a diversificación do sector pesqueiro, marisqueiro e acuícola, implicando unha diminución progresiva do esforzo pesqueiro e a adquisición de novas capacidades polos profesionais do mar que teñan como obxectivo un desenvolvemento sostible das zonas de pesca.

**A puntuación máxima deste subcriterio é de 8 puntos.**

### 3. PROXECTOS ACCESIBLES

Valorarase aqueles proxectos que vaian máis aló das normas de obrigado cumprimento na materia (Lei 10/2014, de 3 de decembro, de accesibilidade).

Valorarase os proxectos que dentro das súas actuacións, ben sexan arquitectónicas, urbanísticas, de TIC, electrónicas ou de comunicación, sexan comprensibles, utilizables e practicables por todas as persoas en condicións de comodidade, de forma autónoma e segura.

### 4. PROXECTOS XERADORES DE GRAN EMPREGO

Valoraranse aqueles proxectos que pola súa capacidade de xerar emprego sexan motor de dinamismo e emprego no territorio. Este subcriterio pretende atraer o investimento de aqueles proxectos que polo tamaño do emprego xerado son prioritarios para as zonas de pesca.

Valorase con 5 puntos aqueles proxectos que acaden as 6 unidades de traballo-ano (UTA) e non superen as 10 UTA.

Valorarse con 10 puntos aqueles proxectos que superen as 10 UTA.

### 5. INICIATIVAS EMPRENDEDORAS RELACIONADAS CO MAR, A PESCA E ACTIVIDADES AUXILIARES

A Falta de emprego alternativo para os pescadores e as súas familias, a emigración e o desemprego son acusados no noso territorio. Trátase de reforzar outros sectores económicos, fóra do sector pesqueiro, pero sen perder a relación co mar, potenciando o principal elemento singular do territorio: o medio mariño, dentro dunha estratexia de desenvolvemento sostible. Valorarase aqueles proxectos que contribúan a mellora da competitividade sostible das zonas pesca.

Tamén se valorará as iniciativas de actividades auxiliares ao sector pesqueiro que contribúan a súa mellora competitiva.

**A puntuación máxima deste subcriterio é de 8 puntos.**



### A matriz multicriterio para proxectos produtivos:

A continuación amosase a matriz multicriterio elaborada a partir dos criterios e subcriterios antes definidos e explicados.

Na presente matriz podemos observar os criterios e subcriterios definidos no apartado anterior, así como unha columna indicando o valor mínimo (filtro) de determinados criterios e subcriterios que pola súa importancia teñen este carácter. Cando o valor é 0 puntos quérese salientar que dito criterio non é filtro e polo tanto poderá obterse á axuda aínda que se acade 0 puntos, tendo en conta que o valor mínimo total da suma das puntuacións de todos os criterios haberá de ser de 40 puntos.

Na matriz tamén podemos ver unha columna referida ao valor máximo de cada criterio. Entendese pois que un proxecto non poderá acadar máis puntuación por un criterio que a establecida como máxima na respectiva columna. Con isto preténdese que os proxectos teñan que incidir en máis de un criterio para poder acadar unha boa puntuación.

Por último, na parte dereita da matriz, aparecen as bandas de puntuación, cuxa misión é asinar, segundo a puntuación outorgada ao proxecto, unha porcentaxe determinada de cofinanciación ou subvención, que oscila entre o 35% e o 50%.

Os proxectos vinculados á pesca artesanal a porcentaxe de axuda derivado das bandas de puntuación incrementarase nun 30%.

No caso de de proxectos produtivos presentados por confrarías de pescadores e asociacións profesionais do sector pesqueiro ou asociacións integradas polas entidades mencionadas, que que respondan aos criterios de interese colectivo, beneficiario colectivo e ofrecer acceso público aos resultados, incrementarase a porcentaxe de axuda derivado das bandas de puntuación nun 30%.



Unión Europea  
Fondo Europeo  
Marítimo e da Pesca  
(FEMP)



XUNTA DE GALICIA  
CONSELLERÍA DO MAR

MATRIZ MULTICRITERIO: PROXECTOS PRODUTIVOS				ESTRATEGIA DESENVOLVEMENTO LOCAL PARTICIPATIVO. GALP "COSTA DA MORTE"		
Nº	CRITERIOS	VALOR MÍNIMO	VAL. MÁX.	VALOR OUTORGADO	BANDAS DE PUNTUACIÓN	% DE COFINANCIACIÓN
<b>1</b>	<b>VIABILIDADE:</b>	12	30			
1.1.	TÉCNICA	7	10			
1.2.	ECONÓMICA-FINANCIERA	5	10			
1.3.	PLAN DE XESTIÓN		6			
1.4.	COMERCIAL		3			
1.5.	CREACIÓN NOVA EMPRESA		6			
<b>2</b>	<b>CREACIÓN DE EMPREGO</b>	0	20			
2.1.	CREACION DE EMPREGO					
2.2.	CREACION EMPREGOS ESTABLES					
2.3.	TRABALLADORES DO MAR					
2.4.	MOZOS					
<b>3</b>	<b>INCLUSIÓN DO PROMOTOR EN COLECTIVOS DESFAVORECIDOS ou EMPREGO EN COLECTIVOS DESFAVORECIDOS</b>	0	4			
<b>4</b>	<b>UTILIZACIÓN DE FACTORES PRODUTIVOS DA ZONA</b>	0	6			
4.1	MATERIAS PRIMAS		2			
4.2.	MAN DE OBRA		2			
4.4.	PROVEDORES LOCAIS		2			
<b>5</b>	<b>IMPACTO SOBRE O TERRITORIO</b>	0	5			
5.1.	ECONOMICO		1		<b>BANDAS DE PUNTUACIÓN</b>	<b>% DE COFINANCIACIÓN</b>
5.2.	SOCIAL		1		1. De 40 a 49,99 puntos	35,00%
5.3.	CONCELLOS		1		2. De 50 a 59,99 puntos	39,00%
5.4.	MEDIOAMBIENTAL		1		3. De 60 a 69,99 puntos	43,00%
5.5.	CULTURAL		1		4. De 70 a 79,99 puntos	47,00%
					5. De 80 a 100 puntos	50,00%
<b>6</b>	<b>CARÁCTER INNOVADOR/DINAMIZANTE</b>	0	9			
6.1.	UTILIZACION NOVAS TECNOLOXÍAS (INCLUIDA TIC's)		3			
6.2.	SINGULARIDADE DO PROXECTO		4			
6.3.	COLABORACIÓN CON ENTIDADES DE I+D+I OU APROVEITAMENTO DE PATENTES		2			Os proxectos vinculados á pesca artesal, a porcentaxe de axuda derivado das bandas de puntuación anteriores incrementarase nun 30%.
<b>7</b>	<b>IGUALDADE DE OPORTUNIDADES</b>	0	6			
7.1.	PROMOCIÓN DO PROXECTO POR MULLERES OU PORCENTAXE DE REPRESENTACIÓN DE MULLERES NO CONSELLO DE ADMINISTRACIÓN.		2			No caso de de proxectos produtivos presentados por confrarías de pescadores e asociacións profesionais do sector pesqueiro ou asociacións integradas polas entidades mencionadas, que que respondan aos criterios de interese colectivo, beneficiario colectivo e ofrecer acceso público aos resultados, incrementarase a porcentaxe de axuda derivado das bandas de puntuación anteriores nun 30%.
7.2.	EMPREGO FEMININO XERADO					
7.3.	EXISTENCIA OU COMPROMISO DE EXECUCIÓN DUN PLAN DE IGUALDADE DE XÉNERO.		2			
7.4.	% PARTICIPACIÓN DE COLECTIVOS DESFAVORECIDOS		2			
<b>8</b>	<b>ADECUACION COA ESTRATEGIA DO GALP</b>	0	20			
	COMERCIALIZACIÓN OU TRANSFORMACIÓN DE					No caso de proxectos para investimentos produtivos para medidas incluídas nos capítulos I, II e IV do Título V do Regulamento (UE) nº 508/2014 respetaranse as escalas de contribución e o réxime de axudas establecidas no citado Regulamento
8.1.	PRODUTOS PESQUEIROS		8			
8.2.	DIVERSIFICACIÓN DO SECTOR DO MAR		8			
8.3.	PROXECTOS ACCESIBLES		8			
8.4.	PROXECTOS XERADORES DE GRAN EMPREGO		10			
	INICIATIVAS EMPREENDEDORAS RELACIONADAS CO MAR,					
	A PESCA E ACTIVIDADES AUXILIARES.		8			
	<b>TOTAL</b>	<b>40</b>	<b>100</b>			